

## **Nagdlunguup malerugassai.**

- § 1. Timersoqatigiiffiup atia tassaavoq "**Nagdluguak**" aallartinneqarsimavoq 08 februari 1948. Timersoqatigiiffiup angerlarsimaffia Ilulissaniippoq, Kalaallit nunaanni.  
Ukiut tamaasa timersoqatigiiffiup aallartiffia malillugu aaqqissuisoqartassooq ulloq taanna.  
Timersoqatigiiffup ilisarnaataa tassaavoq "**N-48**".
- § 2. Timersoqatigiiffiup anguniangaraa anersaakkut timikkullu timersorneq saqqummiutissallugu Kalaallit nunaannut, sapinngisamik timersuutit assigiinngitsut amerlasuut ingerlatarissavai.
- § 3. Timersoqatigiiffik G.I.F-imut ilaasortaavoq – taassumalu ataaniittut G.B.U aamma G.H.F-imut ilaasortaalluni – taakkulu malittarisassai malittassallugit.
- § 4. Soqutiginnittut tamarmik ilaasortanngorsinnaapput, ilaasortatut imaluunniit tapersersuisutut. Meeqqat 9-aniit 13-inik ukiullit angajoqqaaminniit akuerineqaqqaassapput.
- § 5. Ilaasortaanermut akiliut ukiut tamaasa aaliangerneqartassaa ataatsimeersuarmit.
- § 6. Timersoqatigiiffimmut ilaasortaajunnaarneq nalunaarutigineqartassaaq siulersuisumut imaluunniit siulersuisunut ilaasortamut pisinnaatitaasumut.  
Ilaasortaajunnaartarneq atsiorneqassooq timersoqatigiiffiup tungaaniit ilaasortaajunnaartuminngaanniillu.
- § 7. Timersortartut timersoqatigiiffimmi allami ilaasortaasimasut, aatsaat "**Nagdluguak**"-mut ilaasortanngorsinnaappat ilaasortaaffimminnut akiligassaqaqngikkunik. Aammattaaq "**Nagdluguak**"-mi ilaasortat akiligassaqaqarunik ilaasortaajunnaarsinnaanngillat.
- § 8. Timersortartuq ilaasortaqaq siulersuisut tungaaniit unamminermut ilaajunnaarsinneqarsinnaavoq imaluunniit ilaasortaajunnaarsitaasinnaavoq uku atorineqarsimappata:  
1. Timersortartorpalaanngitsumik takutitsisimappat.  
2. Ilaasortaanermut akiliut malilluarsimanngikkuniuk.
- § 9. Ataatsimeersuarnermi imaluunniit immikkut ataatsimiinnermi ataatsimiigiat 2/3 del-ii akuersippata immikkut ataqqinaammik ilaasortanngortitsisoqarsinnaavoq.  
Imaluunniit siulersuisut siunnersuutigigunikku akuersaarutigalugu.
- § 10. Ukiumut ataatsimeersuarneq timersoqatigiiffiup annersarivaa.

Ukiumut ataatsimeersuarneq April qaammat pisassooq. Ilaasortat nalunaarfigineqareersimassapput ataatsimeersuarnissamut, ilanngussanilu tunniussisoqareertassooq sapaatip akunnera sioqqullugu.

- § 11. Ukiumut ataatsimeersuarnermi eqqartugassani uku malinneqartassapput:
1. Aqutsisussamik qinersineq.
  2. Siulersuisup saqqummiukkumasai.
  3. Aningaaserisup ukiumut kukkunersioriikkat saqqummiussai.
  4. Ilaasortaanermut akiliut aaliangiullugu aamma allat peqatigiiffimmut iluanaarutaasinnaasut.
  5. Siunnersuutigisimasat suliaralugit.
  6. Siulersuisunik qinersineq.
  7. Aningaaserisumik qinersineq.
  8. Siulersuisunut ilaasortassanik qinersineq malittarisassat malillugit.
  9. Kukkunersiuusumik qinersineq.
  10. Tamalaat.
- § 12. Aaliangiussat ataatsimeersuarnermi amerlanerussuteqarnermi aaliangerneqartassapput, allannguutit kisimik pinnatik takuuk § 14. Allakkatigut qinersisoqarsinnaavoq minnerpaamik qinersisinnaatitaasut marluk akuersippata.
- § 13. Ilaasortat 17-it ukiullit, tapersersuisut aamma ilaasortat ilaasortaanermi akiligassallit sivisunerpaamik qaammatit marluk ataatsimeersuarnermi qinersisinnaatitaanngillat.
- § 14. Nagdlunguup malittarisassai allanngortinneqarsinnaapput minnerpaamik 2/3 taasisinnaatitaasut allanngornissaanut akuersippata.
- § 15. Peqatigiiffik ingerlanneqassooq siulersuisunik arfineq – marlunnik ilaasortaartumik.  
Taakkua qinerneqartassapput ukiumut ataatsimeersuarnermi, ilaasortaassallutillu ukiut marluk. Ataatsimeersuarnermi siulersuisutaat siullermeertumik ataatsimiinneranni siulittaasup tullianik allatsimillu taasisapput. Siulersuisuni ilaasortat peqatigiiffimmi ulluinnarni ingerlanerani isumaginnittuussapput, iluaqutaassappatalu immikkoortunik assigiinngitsunik aallartitsisoqarsinnaavoq. (Håndboldudvalg – Fodboldudvalg). Siulersuisut namminnek ilaasortat inissitsiuarsinnaavai. Pisariaqarpallu taasersinnaallugit. Siulersuisut saniatsigut sinniisussat marluk qinerneqarsinnaapput.
- § 16. Ukiumut ataatsimeersuarnermi kukkunersuisut marluk qinerneqassapput.
- § 17. Immikkut ataatsimeersuarneq ingerlanneqarsinnaavoq ilaasortat 1/4-ii imaluunniit siulersuisut tamanna piumasarippassuk.

- § 18. Aningaaserisup suliassarivaa ilaasortaanermut akiliut noqqaavigissalagu, pisariqartullu naatsorsuutit allattorlugit. Peqatigiiffiup naatsorsuutai ukiumut tassaavoq 01.04 – 31.03.
- § 19 Siulersuisut pisariaqartikkaangamikku ataatsimiittassapput minnerpaamik qaammammut ataasiarlutik.
- § 20. Timersoqatigiiffik atorunnaarsinnaqarsinnaavoq, timersoqatigiiffiup qinersinnaatitaasui 3/4-ii ataatsimeersuarnermi kissaatigunikku. Tamanna akuerisaappat, timersoqatigiiffiup aningaasaatai ikiuiniarmut siunertalimmut tunniunneqassapput.